





別改正釐定爲十六章一百六十四條並附訂暫行章程三種謹分別繕具清單恭呈 御覽伏候 明降諭旨

欽定頒行用資法守至從前法部會奏各級審判廳試辦章程業經臣館咨准該部通行試辦在案該章程各條有已定之於法院編制法者應行作廢其餘仍應照行以資辦理此外法部大理院奏定各項章程有與法院編制法所載不符者應請 飭下一律改正以歸劃一再法院編制法之制定固爲改良審判之用而訴訟律不

同時頒布則良法美制恐亦牽掣難行現距訴訟律告成施行之期尙遠而法院編制法立待施行臣等公同商酌擬請 飭下修訂法律館將訴訟律內萬不容緩各條先行提出作爲訴訟暫行章程並會同法部查明中國訴訟積弊奏明請 旨嚴禁則新舊交替各得其時自可收相得益彰之效現在過渡辦法無逾於此其法院編制

法內定有律師卽屬外國之辯護士關係於審判者甚大查東西各國俱特定辯護士法各有嚴重規定以示範圍吾國籌辦審判伊始自應由法律館擬訂律師單行法奏交臣館覆核遵行以期一貫抑臣等更有進者法院編制

茲既特頒法典則行政司法各官權限皆有一定法部及大理院以下京外各級審判檢察廳均應一律欽遵辦理若仍聽其牽連轆轤不惟審判權難收級級獨立之實效而不能保執法之不阿抑且司法權徒擁層層監督之虛

名而或易滋專斷之流弊是宜於定制頒行之始切實聲明凡從前法部大理院權限未清之處自此次法院編制法頒行以後卽應各專責成擬請嗣後屬於全國司法之行政事務如任用法官劃分區域以及一切行政上調查

執行各項暨應欽遵籌備事宜清單籌辦者統由法部總理主持毋庸會同大理院辦理其屬於最高審判暨統一解釋法令事務卽由大理院欽遵 國家法律辦理所有該院現審死罪案件毋庸咨送法部覆核以重審判獨立

之權凡京外已設審判廳地方無論何項衙門按照本法無審判權者概不得違法收受民刑訴訟案件其有不服各該廳判決之上控案件應查照訴訟律及奏定審判訴訟各章程審結亦均毋庸覆核致涉紛歧其外省未

設審判廳地方一應彙奏專奏死罪案件暫准由該院照章覆判具奏咨報法部施行一俟各省府廳州縣地方初級各審判廳成立之日均遵定律定章審結屆時再將覆判各節一律刪除其秋 朝審制度現在新刑律尙未

頒布實行亦應照舊由法部辦理庶事實不虞窒礙權限各有範圍洵足尊重法權可期推行便利惟是部院之權限既定則審判之責任宜專責大理院審判宗室覺羅案件例應會同宗人府而其辦法向分會府府會兩種均係

沿刑部現審舊制而來然該院既爲全國最高審判機關無論民刑各科俱用合議已非復刑部發司承審之比宗人府職掌崇隆原與審判衙門有別若仍拘會審舊制是徒存該署有名無實之會審致國家之司法權不能獨立何以昭示統一似非朝廷預備立憲之本旨查日本皇族訴訟事件向歸控訴院審理不由宮內省參與雖審級與齊民不同而其得享法定裁判之權利則一維持司法此爲最要盛京宗室覺羅案件現亦歸審判廳管理京師事同一律自應變通舊制將宗室覺羅案件由審判衙門欽遵法律獨立審判毋庸由宗人府會審其業由審判衙門判定罪名者應如何照例執行之處暫由宗人府查照向章分別辦理俟新刑律頒布實行後再定通行辦法以重刑制而示大公惟宗室覺羅案件向歸大理院審判大理院係最高終審衙門一經斷定即無處上控其權利轉不能與齊民相等查日本之控訴院即吾國之高等審判廳擬請嗣後宗室案件如係民事兩造俱屬有爵宗室者由宗人府自行辦理其餘宗室覺羅與旗民涉訟案件由高等審判廳審理如係刑事凡宗室有犯在流遣以上由大理院審理徒罪以下及覺羅有犯均由高等審判廳審理不服該廳之判斷者皆得上控於大理院如此辦理庶於崇重法權之中仍寓優待屬籍之意既使宗藩枝葉得法律之保障而益尊抑令朝廷法官因獨立之精神而益重至宗室覺羅案件例應行文遣抱傳質等事暫仍遵照向例及現行章程逕由該院及該廳分別受理以上各端或曾經該部院先後奏陳或已據各臣工疊次條議現由臣等審度情形實均爲司法行政分權最要最急之務應即請旨遵行其應另訂詳細辦法者應按照此次奏定各節由法律館於擬定訴訟暫行章程時分別釐定奏交臣館覆核奏明辦理此外直省創設各級審判廳凡屬司法行政監督權限一以法院編制法爲準繩其餘行政各官與司法各官事權既不相統屬即不得互相侵越倘有故違本法者由法部查明據實糾參請旨辦理再審判得失爲人民生命財產所關亦爲將來改正條約所繫任用苟不得其人則上足以損法令之威嚴下適以召閭閻之藐玩衆心散失貽患無窮現在財政困難各直省不惜增加數百萬之負擔以籌設數十百之審判衙門原爲清理訟獄保持公安起見倘以庸闇陋劣之員濫竽充數則經費擲之於無用各該廳且將爲釀禍之媒擬請飭下法部嗣後於考試任用各項法官時務須欽遵頒定暫行章程嚴切奉行不得稍存寬假其京外已設各級審判檢察衙門亦應於明年舉行第一次考試後定期將各該衙門所有實缺候補調用各員認真甄

別按照此次章程所定各科目補行考驗分別汰留惟各該司法衙門事屬創辦固不免懸缺待人未便過予限制然與其裁汰於事後何若慎重於事前擬請暫爲分別辦理凡非推事及檢察官者未經照章考試無論何項實缺人員不得奏請補署法官各缺其現有各項候補推事及檢察官由該部堂官查驗果係通曉法律長於聽斷之員准其出具切實考語奏請補署現懸各缺如無前項人員仍應欽遵定章任用總以法官悉合資格爲主俾策成效而洽輿情惟官吏以考試而來則俸進之門自絕而人材以培養而出則造就之法宜先若未蓄艾於三年粹欲取材於一旦竊恐筆述口答之所得或不免空疎塗飾以爲工擬請 飭下學部通行各省督撫就京外現設及將來續設政法法律各學堂次第擴充以期通材日出藉爲審判檢察之取資仍一面別籌獎勵研究法學之方使法律智識逐漸普及於司法前途裨益實非淺鮮斯則籌辦審判時所宜兢兢注意者也至於審判各官獨立執法權限既重考成宜嚴其能審判公平克盡厥職者法律自當一一爲之保障倘有不當行爲按法應予懲戒者亦須明定專條庶幾範圍不過擬請 飭下法部迅將法官懲戒暫行章程會商擬訂奏交臣館覆核請 旨頒行以飭官箴而肅法紀所有核訂法院編制法暨另擬各項暫行章程緣由是否有當謹恭摺具陳伏乞 皇上聖鑒訓示謹 奏宣統元年十二月二十八日奉 上諭已錄（章程另錄）

### 摺片摘要

直督陳奏支應局光緒三十一二兩年鐵路餘利動用銀數摺正月初八日奉

硃批該部知道

又奏辦理工藝出力各員請獎摺同日奉

硃批吏部詳核議奏單併發

又奏委張鎮芳兼署直隸按察使片同日奉

硃批知道了

東督錫良等奏委金衍海代理興京府等片同日奉

硃批知道了

又奏丁憂補用道張俊生等服滿起復片同日奉

硃批吏部知道

又奏奉天標營歸併第二十鎮後請將支給餉乾作正開銷片同日奉

硃批該部知道

又奏請將卸署承德地方審判廳推事曹重等敕部議處片同日奉

硃批著照所請該部知道

江督張人駿奏覆驗革員劉永興確無嗜好摺同日奉

硃批劉永興著開復原官該衙

門知道

又奏查明官辦商報情形及現擬辦法摺同日奉  
又奏准鹽二成復價請免予提充路股摺同日奉

硃批知道了  
硃批該衙門知道

公牘錄要

督憲陳札覆諮議局陳請籌辦紡紗廠一案文

爲札覆事據順直諮議局陳請籌辦紡紗廠一案當經前護督部堂先行札覆在案茲經本督部堂詳加覆核所請籌辦紡紗廠自係爲振興實業挽回利權起見惟鹽勛加價期以清還洋債關係至爲重要應否動用自視能否籌還爲斷查該局所擬三端除加價展限事關 奏案將來能否核准尙未可知况察現時情形民食艱難商情疲滯亟盼早停以甦積困應無庸議外其餘二端該局以股款如能招齊即將此款歸還否則辦有成效逐年將所得利息陸續歸補借款查招股能否踴躍成效能否預期均以該廠辦理能否得法爲衡究竟該局於各處及本省情形已未切實調查應用原料本地是否適宜敷用將來銷路是否可期通暢估定資本統需若干流通資本亦須預計所得利益如何分配所借本款如何分還均應通盤籌畫列表呈核以期周密事關路款清還洋債要需尤應格外慎重卽爲該廠前途計亦宜妥爲籌維必須確有把握方可實行應由該局覆加妥議呈候核奪爲此札行諮議局查照須至札者

直隸禁煙總局詳請獎給襄助禁煙出力紳士文並批

爲詳請事竊職局案據獨石口撫民同知瑞徵稟稱竊卑廳自上年五月間蒙頒發各項章程及憑牌各照當將署內設立戒煙分局暨切實遵辦一切事宜均經隨時詳稟在案至局中一切事件概不假手吏胥選派勤慎誠實之王紳朝賓爲該局司事幫同卑職照章認真辦理第禁煙之案禁吸實與禁種相表裏萌芽若絕欲吸無從是嚴禁種植罌粟尤爲要著卑職前於奉到通飭後卽剴切曉諭實力奉行復於下種開花時率同該司事周歷轄境分路窮搜向年種煙之田今已改種其深山僻陋之處間有零星雜於田苗內種者立卽勒令平毀伏查卑廳遠居塞外地氣高寒秋早春遲收穫匪易故近數十餘年鄉民因煙土利厚有恃此爲生計者是以頗有種植今年經卑職預

先嚴禁迭次嚴查民間幸尙畏法始得斷絕根株查定章地方官將境內栽種罌粟地畝膏土各店及吸煙人數於一年內減至十分之三以上並無滋擾情事者准照異常勞績請獎各等語卑職忝司民牧分應認真辦理斷不敢侈口言勞冀邀獎叙惟六品軍功監生王朝賓以紳董充當司事於經管憑牌各照捐費而外竟能不辭嫌怨與卑職分任其勞始得獲有成效似不無微勞足錄申職未便沒其勞績擬懇轉詳賞給該司事王朝賓五品頂戴獎札以示鼓勵而昭激勸等情據此查本年正月職局據柏鄉縣稟以該縣設立戒煙總分局選派李紳希沆劉紳振榮巡官趙玉珍經理其事該紳董巡官在事出力擬援照 政務處 奏定章程請給獎勵前來職局據情轉詳 前督憲楊當蒙批准發給五品獎札各一件飭局轉發給領在案現據獨石口廳稟稱該廳設立戒煙分局以王紳朝賓爲該局司事遵照定章認真辦理著有成效實屬在事出力該廳擬請發給五品獎札以示鼓勵之處核與 政務處定章相符擬懇 憲台察核俯賜照案填給五品獎札批發下局以憑轉給所有擬請賞給襄辦戒煙出力王紳朝賓五品獎札緣由是否可行爲此備由具呈伏乞 鑒核批示祇遵須至詳者 督憲陳 批如詳准行茲填發六品軍功監生王朝賓五品獎札一件仰即查收轉發給領此繳

### 三河縣文令玉稟籌款開辦巡警教練所文並批

敬稟者竊維巡警職司保衛閭閻禁暴戢奸爲司法行政之補助又爲憲政逐年籌備之一端必須隨時改良勤加訓練以示其作用之範圍而明其權力之界限自非學有專門難期勝任愉快卑縣巡警係於光緒三十一年開辦城鄉分二十四區實兵五百五十名內有馬巡八名城內設有總局而無巡官統率城鄉均歸巡董管理卑職前於到任後點驗各區長警人格既未一律又無服裝器械查詢常年經費更無分文的款究其原辦宗旨僉云遇事就區攤款僱募應點差竣遣散各安生業嗣後歷任因循遂致腐敗不堪當查本年爲立憲第二期各州縣巡警應行粗具規模難容再事延緩因值差期臨邇需警視察先由衆兵內酌量挑選親督操練藉供要差餘俟差後整頓以符名實當將辦理情形通稟在案現在差務告竣報銷出渡爰集紳董汰弱留強核實改良惟辦事非款不舉必須籌有切實的款方能措置裕如且原辦兵數係屬徒師粉飾虛譽與其隨時攤款有名無實莫若籌定經費核減人數以期一勞永逸紳民既免攤款之繁地方又獲保護之益庶幾款不虛糜兵歸實際各巡董等初猶畏難推宕

迨經卑職再三譬喻開導幾至舌敝唇焦該紳董等始行認可諭令各自認籌統計二十四區每年認定東錢十二萬吊有奇合洋銀兩萬元之譜分麥大兩秋交總董存儲城鎮殷實舖商按月由各區董備領支用呈報縣署查考并榜示本區以示信實卑職核計長警月餉統按五元開支連添置服裝器械及一切雜費可養正巡警一百五十名馬巡八名仍在其內專司巡邏緝捕并開教練所經費每歲需洋銀一萬二千元惟幅輳遼闊正巡不敷分佈再養預備巡警四百名專司支更看青每名月給津貼洋一元歲需洋銀五千元餘剩三千元發商生息備作荒年經費惟的款既有著落教練所即應成立隨同紳董相度地址在於城內舊辦工藝局房屋稍爲修飾遵章設立肄業學生應以百名爲額惟查全境正巡僅一百五十名遵章訓練恐疎巡防擬分五班教練先調正巡合格者三十名入所練習學科一切悉遵部章辦理設所長一員總董吳重倫兼充教務一員以生員李德宏充當庶務一員以候補防禦增祿充當每月月薪各十二兩教習一員以順天警務學堂第二期高等畢業生張永芬充膺月薪二十兩應請加札派委定於十二月初十日開所教練其預備巡警服裝與正巡一律將來續籌經費再行補入正巡次第訓練養成警材以達完全目的除由卑職督率認真訓練一俟畢業即請派員考驗並請派巡官統率管理外所有卑職籌定的款改良巡警並開教練所緣由理合繕具辦法章程呈請 大帥查核立案肅此具稟恭請 勛安伏乞 垂鑒 (章程另錄)

督憲陳 批稟摺均悉仰警務處核飭遵照並飭候 順天府尹堂批示繳

### 文告錄要

督憲批示錄要○磁州礦局稟批補呈薛村礦產器具原估成本清冊由 批據稟已悉候飭礦政調查局查核具

覆清冊存此繳○議事會稟恭懇行知權憲禁止電車公司加修軌道由 批據稟已悉仰候轉飭津海關道一併核辦具覆繳○朱令蔚然稟驗收建昌電工由 批據稟已悉候將冊摺札發北洋官電局查照繳

直隸籌款總局告示○爲出示曉諭事照得本總局於宣統元年十二月初一日奉 督憲陳 札開爲札飭事案

查接管卷內宣統元年十一月十五日准 度支部咨開稅課司案呈順直各屬燒鍋補領部照並擬由籌款局代徵課銀一事前經本部將該局所擬條款分別改定開單咨行直隸總督查照飭遵並聲明俟部刊刷完竣再

行咨送轉發等因在案本部現將前項部照刊刷一千五百張代收燒鍋課銀憑單刊刷六千張均經鈐蓋印信應咨送直隸總督查收轉發該局遵照本部改定條款切實辦理總期稅課商情兩有裨益是爲至要所有前項代徵條款應即通飭所屬先期出示曉諭俾衆周知自宣統二年正月初一日起一律實行並於示諭內聲明現在新舊各燒鍋交課領照換照一切事宜仍照舊章赴部交納截至本年年底止以清界限至條款內開各燒鍋欠課年分由本部查照底簿開單咨送直隸總督查發該局備查一節應由本部查明另案辦理除飭行順天府查照飭遵外相應將前項空白部照一千五百張憑單六千張裝箱咨送直隸總督查照辦理等因到前護督部堂移交到本督部堂准此合行札飭札到該局即便查照辦理此札計發空白部照一千五百張憑單六千張等因奉此查此案前奉部頒改訂條款到局業經分行各廳州縣及各分局在案奉飭前因除將部照憑單札發各分局分別給發外合亟抄錄條款出示曉諭爲此示仰燒鍋人等知悉自示之後務宜遵照後開條款並此次部咨自宣統二年正月初一日起一律前赴分局交課領照換照各宜凜遵毋違特示

### 畿輔近事

資政院籌設速記學堂章程○資政院具奏籌設速記學堂請以署理學部左侍郎候補內閣學士李家駒民政部

左參議汪榮寶翰林院編修程明超綜理其事並擬訂章程六節十九條照錄如下 第一節 總綱 第一條

本學堂以教授速記法爲主豫備資政院及各地方議會速記之用 第二條 本學堂設於資政院開辦公

所 第三條 本學堂學規及一切管理規則悉照奏定學堂章程辦理 第二節 課程 第四條 本學堂

教授科目如左 一速記術 二國文 三官話 四法政大意 第五條 本學堂教授時刻每星期以三十

六小時爲限 第六條 本學堂以三個月爲一學期以滿二學期爲畢業 第七條 國文及法政大意兩科

爲一學期考試一次速記術及官話隨時實地考試不拘次數屆畢業時統以上四科一併考試一次 第八條

隨時考試由本科教員行之學期考試由堂長會同各該科教員行之畢業考試由資政院秘書長會同堂長

及教員行之 第三節 學額 第九條 本學堂學生以一百人爲定額 第十條 本學堂學額分配如左

甲 由本院招取者十二人 乙 由各省咨送者 每省四人合計八十八人 第十一條 入學資格以

曾在中學堂以上畢業或具有中學畢業程度者爲準 第十二條 本學堂畢業學生由資政院秘書長呈請總裁給與文憑除遴充資政院速記生外均分別咨回原省候用 第四節 職員 第十三條 本學堂設堂長一人教務員一人庶務員一人均以資政院秘書廳員充之 第十四條 本學堂教員無定員但至多以五人爲限 第五節 經費 第十五條 本學堂經費由資政院總裁核計奏請撥給 第十六條 本學堂收支款目由堂長按月造冊呈請資政院總裁核銷 第六節 附條 第十七條 本學堂如在定額之外續開新班仍照本章程辦理 第十八條 本學堂詳細規則隨時由資政院秘書長酌擬呈請總裁核定施行 第十九條 本章程如有應行增刪修改之處隨時由資政院秘書長酌擬呈請總裁核定奏明辦理 續天津小學分科研究會議案○(國文科) 提議 國文第三册第二十課韓樂吾者其樂字是否讀作洛聲與

讀作悅聲且此人處何時代教授法中亦未註明 決議 韓樂吾樂字宜讀作洛聲時代既無從攷察似不必拘大抵啓牖兒童知識似宜注重教授法中要旨再就目前事實指點數條以證之文義自能明瞭何必拘拘於出處乎 提議 黃魚前決議係黃花魚茲查爾雅註疏黃魚卽黃鱸字典鱸字註亦同請再公決 決議鱸無黃魚之名也其名爲黃魚者則自陸璣郭璞始今卽古今訓詁家考之知陸郭皆屬誤解字典則又因陸郭之誤而誤者爾雅舍人及孫炎註皆云鯉一名鱸說文解字鯉字註鱸也鱸字註鯉也鱸鯉互訓則鱸鯉自是一物而異名者鱸於毛詩凡三見衛風碩人鱸鮪發發小雅四月匪鱸匪鮪周頌潛有鱸有鮪鱸鮪鱸鯉是也毛詩於鱸云鯉於鱸則不云鱸者鯉爲世俗通行之語不待註釋鄭箋註碩人鱸鮪發發鱸鯉也註潛有鱸有鮪因下文有鯉鯉則云鱸爲鯉之大者以副之本朝胡承珙作毛詩後箋申之曰箋以鱸爲大鯉不過謂鯉類之稍大者其小者自名鯉不得名鱸又本朝陳君奐作毛詩傳疏引本草圖經云鯉卽赤鯉魚脊中鱗一道每鱗上皆有小黑點從頭數至尾有三十六鱗大小皆同此統大小而渾言之也析言之則大者爲鱸小者爲鯉崔豹古今註亦云鱸爲鯉之大者統觀諸訓詁家或直訓鱸爲鯉或訓鯉之大者爲鱸要之皆合鱸鯉爲一物未有訓鱸爲黃魚者惟陸璣郭璞註爾雅判鱸鯉爲二以鱸爲黃魚且郭云鱸有邪行甲無鱗口在領下長二三丈肉黃江東呼爲黃魚據此則郭之所謂黃魚者非鱸魚乃鱮魚也考鱮魚形似就長二三丈肉色黃其口在領下然此魚甚大力亦猛非網罟之所能制非漁人常得之魚卽非吾人常食之魚今教科書有所謂黃魚味美一語必爲常食之魚不辨

而知自陸璣郭璞註爾雅以誤傳誤此弊何極然則教科書中果何魚乎曰即今南省直呼爲黃魚者也江浙間其形似黃花魚而長大者尺餘喙稍尖四時皆有特其味之美在四五月間耳以今之魚徵今之書夫復何疑天津救急善會公啓○啓者前因兩湖吉林水災困苦異常經官商紳諸大善長刊印募啓分佈勸募集洋一萬一千元兩次由統捐總局匯解災區在案於去歲年終經彭善長萬門親往兩湖調查茲據函稱該處災區甚廣飢民扶老携幼啼飢號寒痛哭情狀慘不忍聞每日溺斃數不勝計等情茲屆新春正值青黃不接之時災民耕種無資敵會不忍坐視速籌春撫雖孟水車薪然亦不無小補惟此叩懇 官商紳諸大善長大發惻隱之懷解囊資助請送北馬路天津商務總會掣取收據爲禱

## 各省近事

財政

汴省籌議州縣公費○汴撫吳中丞議定公費一事業已四次開會並擬於去臘十五日當場議決其間認可者頗不乏人但日來朱方伯通盤計算即照川省辦法每年藩庫出入各款尙少五十三萬兩之譜如能將賠款協款以及海軍經費一律扣留則每年尙能多銀十五萬兩以上(查協解各國賠款以及協濟軍餉海軍認定經費等共銀七十萬兩)並開具內銷外銷清單呈請撫院鑒核吳中丞見此情形甚覺爲難但部中限期已到若置州縣困苦於不顧則定公費之後仍與不定何異刻聞中丞擬函商憲政編查館一俟覆到再爲酌奪而此次與議者除司道首府各局所總辦外並有前任祥符舒大令苗大令熊太守安陽李大令陶大令數人云  
催查銀行紙幣總數○浙省官商所設銀行莊號赴部註冊者例得發行銀錢紙幣並由 度支部咨行浙撫頒發釐訂限制官商銀錢行號出票紙數表式各件到院除由增中丞電覆外專札勸業道迅速照會各屬商務總會轉發各行號統限十一月內一律填送以憑咨覆去後迄今逾限多日仍未詳晰填齊當由中丞嚴札勸業道以硤石大通銀行尙未照辦亟應查催等情董觀察當委勸業公所收發科員朱其選大令同知職銜高開第二君尅日馳赴該行查對明晰填表帶省以憑彙案詳院咨覆大部

商務

札知天生港開埠章程○江蘇鎮江關道劉襄孫觀察刻奉南洋大臣札飭以通州天生港現仿長江六口章程辦理凡有大輪由通商口岸運貨至通州者照長江六口章程辦理如由小輪運貨至通州照內港章程辦理等因觀察當即函知鎮關稅務司遵照辦理

商錢局定期開股東會○湖南省垣商錢局自開幕以來已經年餘聞已稍有餘利現定於本年正月初十日開股東會考查上年營業出入銀錢各項賬冊會議一切重要事宜現在備有入場券於去年底發給股息時隨同發交各股東以便屆期携券到會

### 各國新聞

日本添設澳洲領事○倫敦電云日本政府與澳政府商議在澳洲西部布魯希洛地方設立領事現已宣布明文土國擴充海軍○倫敦電云土政府前聘請英國海軍大將甘布洛氏整頓土國海軍現在甘氏告假回國土政府請英政府再派海軍武員一人以繼甘氏并將甘氏議訂十年擴充海軍政策交與議院以便籌款五百萬鎊充擴充海軍經費

俄皇整頓軍政○倫敦電云俄皇現在諭令陸軍部議訂武員退伍之年限現俄國議院防務議員提議從速組織飛艇隊

墨國煤礦崩炸○倫敦電云墨西哥國拉司比蘭薩地方煤礦崩炸轟斃六十八人傷五十餘人所有工人均係墨人與日本人其崩炸之原因係因某工人吸紙煙所致

法員報告災情○倫敦電云法國大水為災已紀前電茲聞被災各處之地方官將被災之情形報告議院現議院核算共有四千萬鎊之譜

七布邊界添兵○倫敦電云土耳其與布加利亞兩國邊界之防軍日見加增布國防軍尤多土政府謂若布國再加派防軍土國即預備戰事

美國報告印人進口之數○紐約電云美國喀拉佛尼亞省稽查外人進口委員報告現在印度人進口一百九十一人該省已有印人一萬餘人每月平均總有二百印人進口云

### 三會議

第三十七條 區議事會會議每月一次每次三日其有臨時應議事宜經自治監督之通知及區董事會之請求或議員全數三分之一以上之請求者均得隨時開會 每屆會議應由區董事會將應議事件距開會三日以前通知議事會議員其臨時會議事出倉猝者不在此限

第三十八條 會議時議長如有事故以副議長代理若副議長並有事故由議員中公推臨時議長代理

第三十九條 會議非有議員半數以上到會不得議決

第四十條 凡議事可否以到會議員過半數之所決為準若可否同數則取決於議長

第四十一條 會議時區董事會職員均得到會陳述所見但不列議決之數

第四十二條 凡會議不禁旁聽其議長副議長視爲應行秘密者不在此限

第四十三條 會議事件有關係議長副議長及議員本身或其父母兄弟妻子者該員不得與議 議長副議長如有前項事由照第三十八條辦理議員半數以上有前項事由因而不能議決者由議長將該件移交總議事會或鄰近之區議事會代爲議決仍照第三十二條辦理

第四十四條 會議時議員有不守議事規則者議長得止其發議違者得令退出因而紊亂議場秩序致不能會議者得令暫時停議

第四十五條 旁聽人有不守規則者議長得令退出

第四十六條 議事規則及旁聽規則由區議事會自定之

### 第二節 區董事

一員額及任期

第四十七條 區董事會設職員如左

總董一名

董事一名至三名

名譽董事三名至六名 董事以區議事會議員十分之一爲額名譽董事以其五分之一爲額

第四十八條 總董以本區選民由議事會選舉正陪各一名呈由自治監督申報自治總監督遴選任用之

第四十九條 董事以本區選民由議事會選舉呈請自治監督核准任用之

第五十條 名譽董事以本區選民由區議事會選任之 第四十八四十九條及本條選舉事宜照另定選舉章程辦理

程辦理

第五十一條 總董董事以二年爲任期任滿改選

第五十二條 名譽董事以二年爲任期每年改選半數能同時就任者其半數卽以一年爲任滿 前項一年任

滿之半數照第二十三條第二項辦理

第五十三條 總董董事均支領薪水其數目由總議事會以規約定之名譽董事不支領薪水

第五十四條 區董事會職員任滿被再選者均得連任

第五十五條 區董事會職員不得同時兼任本區議事會議員若有由議員當選者應辭議員之職 父子兄弟

不得同時任爲本區董事會職員若同時當選者照第二十一條第三項辦理 若有父子兄弟現爲總議事會

議員或總董董事及本區議事會議員者不得爲區董事會職員但名譽董事不在此限

第五十六條 總董如有事故以董事內年長者代理年同則以居本區較久者代理若再相同以抽簽定之

第五十七條 總董董事因事出缺及名譽董事因事出缺至逾定額之半者均卽補選

第五十八條 補缺各員之任期照第二十八條辦理

第五十九條 區董事會因執行各事有應設各項辦事員時由總董遴選派充不限以選民但須經董事會之公

認其細則以規約定之

第六十條 區董事會得設文牘庶務等員其員額薪水以規約定之 文牘庶務員不限以選民由總董遴選派

充或按地方情形卽以本區議事文牘庶務員兼充之

二職任權限

二十八日

度支部奏派充各省副監理官摺

學部奏遴員派充分科大學監督摺

法部奏擬建京師模範監獄摺

禁煙大臣等奏續擬禁煙辦法摺

二十九日

農工商部奏釐訂籌備事宜分年列表呈覽摺

郵傳部奏遵將應辦要政分別按年籌備摺

粵督張奏舉辦第一年籌備事宜摺

三月初一日

農工商部奏直隸山海關地方設立商務總會請給關

防摺

鄂督陳奏籌備各級審判廳議辦情形摺

晉撫寶奏晉省禁種土藥辦理情形摺

初二日

魯撫袁奏陳銅圓十弊敬籌治標三策摺

又奏東省州縣異常虧累亟應變通辦理摺

初三日

直督楊奏實行禁煙辦法摺

翰林院奏編書處所輯各國政藝通考全書告成補進

總目摺

理藩部奏籌備藩屬憲政應辦事宜分別急緩擇要推

行摺

初四日

東督徐奏遵旨責成府州查禁苛捐苛罰等摺

熱河都統廷奏遵議圍場防禦變通補缺章程摺

熱河都統廷奏都統事務增加請飭另撰勅

書頒發摺

初五日

東督徐奏建築奉天高等並承德地方各審判廳及檢

察廳廳署摺

江督端等奏遵設諮議局籌辦處並臚陳第一年辦法

情形摺

蘇撫陳奏遵設會議廳籌備憲政事宜摺

初六日

東督徐等奏江省清理財政局開辦情形摺

又奏估造中學堂款項片

又奏江省四司以下分設各科月支薪水款項請作正

開銷摺

又奏續放札薩克鎮國公旗河北蒙荒變通章程摺

初七日

吏部奏擬將給封限制畧予變通摺

法部奏統籌司法行政事宜分期辦法摺

鄂督陳等奏湘省鐵路股款請援川滇章程認繳摺

初八日

民政部奏遵擬逐年籌備事宜摺

江督端奏兩江法政學堂辦法并動用款目摺

又奏擬改縣名等片

浙撫增奏創建圖書館摺

初九日

東督徐奏奉省設立方言肄習所摺

順天府奏遵設中等農業學堂并籌辦情形摺

又奏改立大宛兩縣兩等模範小學堂摺

浙撫增奏增設巡警道請以楊士燮試署摺

又奏增設勸業道請以董元亮試署摺

初十日

學部奏分年籌備事宜摺

農工商部奏南洋萬里洞設立華商總局請給關防摺

密雲副都統德麟奏查閱雲雲等處官兵操演幼丁摺

藝情形摺

十一日

民政部奏恭送 梓宮奉移典禮事宜妥訂章程摺

直督楊奏勒估溫榆河果渠村歲修各工摺

東督徐等奏創辦奉天八旗工藝廠摺

又奏設立錦州八旗工藝分廠片

又奏創設農業講習所滿蒙文講習所片

十二日

郵傳部奏恭備

皇太后詣

西陵請

欽定火車開行時刻摺

度支部奏辦過第一年籌備事宜並現在籌辦情形摺

度支部奏議覆御史石長信奏輪助海軍優加爵賞請

毋庸置議摺

學部議大學堂預備科改爲高等學堂遴員派充監督

摺

江督端奏上海巡警擬請加撥經費續籌推廣摺

十三日

農工商部奏籌辦度量權衡畫一制度並設立製造用

器工廠情形摺

郵傳部奏恭備路差事宜並車輛數目開單呈

摺

贛撫馮奏清理訟獄查禁弊端摺

十四日

吏部奏妥擬籌備事宜摺

陸軍部奏查覆吉林裁撤驛站改設文報應嚴定章程

絕處逢生

上海某西婦嘗受咳嗽之磨難風溼之慘苦臥床多日無望求痊後得救命靈丹即服韋廉士大醫生紅色補丸而獲十分全愈焉


韋廉士大醫生紅色補丸所有治愈各疾之功效兼筆紀載迄無盡日常有新保證書承各處感恩之人每日紛紛投贈應接不暇是皆稱述其能離疾病痛苦而得全愈康強者因服天下最著名之韋廉士大醫生紅色補丸也近又接奉一函係上海斐倫路一百號瑣法夫人所遣者夫人乃老沙遜洋行收帳人之妻也函中詳述其如何患病如何獲愈之情形本局調查確實譯錄如左云○去歲余覺胸膈凝積不舒咳嗽甚劇親友見之莫不生憐甚至胸

治愈瑣法者乃  
韋廉士大醫生

夫人嘗  
患咳嗽  
風溼得  
韋廉士  
大醫生  
紅色補  
丸而獲  
愈



紅色補丸非紅  
衣紅血等丸也



胃假戲影防謹樣真明認細仔

痛難忍呼吸維艱夜間咳嗽尤甚竟有咳至一  
句鐘之久而不甯止者又兼風溼骨痛盤旋上  
下有時在足有時在身有時在手如此慘苦不  
堪卒受鎮日臥床莫能興起延醫服藥一冬之  
久雖承醫士盡心調治無奈暫愈片時未幾復  
發胃口閉塞飲食無味全賴牛乳聊延喘痰  
多人瘦面無血色及至今夏六月適有申友會  
患風溼骨痛而獲愈者勸余試服韋廉士大醫  
生紅色補丸一瓶之後覺有轉機遂接連服之  
直至胸部十分強健風溼骨痛全愈而後已今  
則所有一切痛苦消除咳嗽亦止胃口復原願  
貴藥局將余證書隨意採錄以告同病者是幸  
韋廉士大醫生紅色補丸治愈瑣法夫人之原  
因即其所生稠紅之新血使之肺部有力又驅  
除其風溼之毒酸以滋補其全身也是丸常連

行血中之力曾醫治無數之人所患各症即如 血薄氣衰 腦筋虛弱 少年虧喪 陽萎不舉 胃不消化  
肝經失調 頭痛背疼 山林瘴氣 腎疼痠痛 筋系刺痛 左癱右瘓 跳舞瘋病 韋廉士大醫生紅色補丸  
皮膚諸症 以及婦女經水失調氣鬱不舒等症莫不藥到春回立奏奇功矣 韋廉士大醫生紅色補丸  
國各處藥局凡經售西藥之處均有出售或直向上海四川路第八十四號福利公司隔壁韋廉士大醫生藥局中國  
總發行購買或向四川重慶白象街購買亦可價銀每一瓶大洋一元五角每六瓶大洋八元遠近郵費一律不取

上海四川路第八十四號韋廉士大醫生藥局啓

北洋官報

第一千三百四十二册

告白

# 天津商務印書館廣告

歲逢庚戌萬象更新本館特製月份牌一種文雅富麗兼擅其勝專備  
購書  
諸君贈品以助雅興凡購本館書籍圖畫  
滿現洋一三元者謹贈月  
牌五張

份牌 一張滿四元者二張 餘可類推 不滿二元者不贈 訂定正月初十日贈起

至二月初十日止 如期內業已完則當改贈他書臨時再行佈告

敬書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉 附 郵票購書 章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

天津分館開設河北大胡同 電話五百二十六號

商務印書館啟

# 北洋師範學堂招考自費生廣告

本堂專修科畢業明歲添設優級完全科初級師範補習科招收官費各生均經分別詳咨

督憲提學司通飭各屬并分咨山東山西河南東三省選送在案惟津地五方聚處外省人士志在嚮學者頗不乏人茲持查照舊章每科招攷自費生十名如有志入學者應即遵照後開條例來堂報名聽候定期考試勿誤為要

**一分科** (甲)優級完全科 (乙)初級師範補習科 **一資格** 不拘籍貫 (甲)科中學堂及初級師範完全科畢業者 (乙)科初級簡易二年以上畢業報司有案者

**一獎勵** 與官費生一律無異 **一報名** 自宣統元年十二月二十日起至宣統二年正月二十日止親到本堂呈驗文憑備具像片填寫履歷

**一考試** (甲)科按照中學堂及初級師範課程考試 (乙)科按照初級師範簡易科二年課程考試錄取後應即取具安實保人保證書備案

**一學膳費** 全年九十六元每年分正月七月兩次繳納書籍操衣均自備 **一地址** 天津河北新開河

**北洋師範學堂添設優級完全科廣告**

本學堂添招優級完全科學生當經咨請 提學司通飭各屬文送在案諸生如有志入學者務即於定期以內呈請各該地方官備文申送幸勿自誤茲擬定條例如左

**一學額** 百二十名 **一學科** 按照部章辦理 **一資格** 曾在中學堂及初級師範完全科畢業

**一獎勵** 俟畢業後查照定章請獎 **一報名** 自宣統元年十二月二十日起至宣統二年正月二十日止

親到本堂投文呈驗憑照并各具像片一張填寫履歷聽候定期考試 **一考試** 按照初級完全科及中學堂各科功課程度分科考驗錄取後應繳呈保證全十元俟畢業後發還

**一學膳費** 官費 **一書籍** 自備

**一地址** 天津河北新開河

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表練金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

## 瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅願縐絨蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

## 武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 鐵銅料器珞藍 奇巧美術玩器 學界文房用品 旋行携帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

# 報考直隸高等工業學堂諸生鑒

到准於十八日上午九鐘考試漢文下午一鐘考試英文算學所有應考諸生屆期務宜攜帶筆墨早到為盼

凡報考曾在中學肄業一年及高小畢業並修業二年者務於十五以前攜帶文憑像片親正本堂報

## 北洋股票交通有限公司遷移廣告

逕啟者敝公司於光緒三十四年十一月間詳蒙北洋大臣批准設立其宗旨在於流通股票行用利便期人人勃起股分思想俾實業有逐漸發達之機而免貿易無門入股者因而觀望溯自開辦以來交易甚夥成效頗著誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠意今准於宣統二年正月初一日遷移北馬路北洋天津銀號門內面北樓上房間較前寬大遇有出進股票者接洽頗形方便特此登報聲明即請光顧諸君移玉是幸

北洋股票交通有限公司謹白

## 北洋師範學堂招考初級師範補習班廣告

一學額 百二十名 二學科 修身教育國文經學歷史地理算學理化博物日語英語圖畫體操  
 二十歲以上二十七歲以下 四資格 曾在初級師範簡易科二年以上畢業領有文憑者 五期限 三年期  
 滿升入本堂優級師範科 六獎勵 俟優級師範科畢業後查照定章請獎 七報名 自宣統元年十二月初一日起至宣統二年正月二十日止各具照像片一張親赴本堂報名處填寫履歷呈驗文憑聽候定期考試  
 考試 按照初級師範學堂第二年各科功課程度分科考驗錄取後應繳呈保證金十元俟畢業後發并還取具妥實保人保證書備案 九學膳費 官費 十書籍 操衣自備 十一地址 天津河北新開河

## 北洋師範學堂招考音樂體操講習班廣告

一學額 六十名 二學科 修身教育國文歷史地理英文算學圖畫手工格致唱歌樂器樂典音譜體操遊戲  
 兵學生理 三資格 漢文通順體格健全向無疾病嗜好者 四年齡 十八歲以上二十五歲以下 五期限 三年畢業 咨請提學司派充各屬教員 六報名 自宣統元年十二月初一日起至宣統二年正月二十日止各具像片親赴本堂報名處填寫履歷書聽候定期考試 七考試 檢查身體試驗國文論說一篇錄取後應繳呈保證金十元俟畢業後發還并取具妥實保人保證書備案 八書籍 操衣自備 九地址 河北新開河

# 本局廣告

本局承辦印刷研究  
 精良近益不惜重資  
 延聘外洋著名工師  
 添購新式機器精製  
 雕刻銅版所有承印  
 各種紙幣股票等件  
 圖畫精巧色澤鮮明  
 紙質堅緻屢蒙中外  
 官商照顧頗加獎  
 譽茲為推廣招徠起  
 見自本年承印各  
 項價目格外減讓以  
 副官商雅意如蒙  
 賜顧請至本局賬  
 房面議可也

北洋拱衛畿疆冠蓋相望一方共事誼屬同僚  
 而籍貫家世與年歲氏號彼此各不相知曷足  
 以資聯屬是以敝局於甲辰之冬曾奉  
 院飭刊同官之錄雖非詳備頗見通行惟時易  
 歲移大半升遷轉調亟應增補刪脩方臻完善  
 茲擬仍沿前例重行改刊所有直順熱各屬現  
 任候補以及分發別省候選丁憂凡有差委均  
 當詳錄相應奉達希將  
 台銜三代履歷行號出身日內詳細  
 開送至局以便彙齊付梓是為至盼  
 本局謹啟

## 左龔集出版

近揚州劉申叔先生師培將平昔考訂經史之文編為左龔集刊板印行  
 書計六册刻工印工均臻美善定價三元五角寄售處北京琉璃廠二酉  
 齋天津東門外金獅子胡同寶森堂書鋪 國學保存會啟

## 京奉鐵路緊要廣告

本局現定得宣統二年正月初六日即西歷一千九百十年二月十五號  
 起所有短期免票一律改換顏色其從前所發之短期免票無論逾期與  
 否一概作廢特此廣告